





C A R M I N A
MARMORIBVS ARVNDE-
LIANIS

FORTASSE' PERENNIORA:

In promotione ad Sacram Purpuram Eminentissimi
& Reuerendissimi Principis, PHILIPPI THOMAE
HOVVARDI, ex *Norfolcia* Ducibus, & Comitibus
Arundelia &c. S. R. E. Cardinalis, decantata.

A


IACOBO ALBANO GHIBBESIO,

M. D. OXON. & P. L. CAES.



Biblioth. Sec.

Coll. Rom. adscriptus



R O M A E,
Ex Typographia Francisci Tizzoni,
M. DC. LXXVI.

SVPERIORVM PERMISSV.



C A R M I N A
MARMORIBVS ARVNDE-
LIANIS

FORTASSE' PERENNIORA:

In promotione ad Sacram Purpuram Eminentissimi
& Reuerendissimi Principis, PHILIPPI THOMAE
HOVVARDI, ex *Norfolcia Ducibus, & Comitibus*
Arundelia &c. S. R. E. Cardinalis, decantata,

A

IACOBO ALBANO GHIBBESIO,

M. D. OXON. & P. L. CAES.



Libr. Sec.

Coll. Rom. adscriptus

LIBRERIA NAZ.
H. MA
VITTORIO EMANUELE.

R O M A E,
Ex Typographia Francisci Tizzoni,
M. DC. LXXVI.

SVPERIORVM PERMISSV.

ARVIDE

1871

HEINRICH F. H. VON...
 ...
 ...

1871



1871



ILLVSTRISSIMO EXCELLENTISSIMO Q;

H E R O I,

HENRICO HOVVARDO,

MAGNO ANGLIAE MARESCALLO,

N O R F O L G I A E,

AC ARVNDELIAE DOMVS

COLVMINI.



ENSIS iam octauus hoc ineunte anno nouo procedit, EXCELLENTISSIME PRINCEPS, ex quo *Philippus Thomas*, summa vir sapientia, ac virtute praeditus, frater tuus, quamuis peregrè abesset, nihilquè tum fortasse minùs

(pro illa sui, in tanta claritate vel meritorum vel profapix, moderatione animi) cogitaret, ad Romanam Purpuram; Diuis hominibusquè approbantibus, est feliciter euocatus. Vel inde colligere licet,

A 2

qui

qui fuerit generum sensus, atq; ordinum omnium, de optimi Pontificis delectu in eo creando, quæ lætitia, quæ gratulatio; cùm ad conspectum eiusdem Romam adducti tam valdè populus effusus & concurrens perpetuis prætextisque vijs acclamaret.

Nec mirum, meo quidem iudicio; ut in re minimè quotidiana, & nunc primum à seculo visa. Ut profectò, si non aliud, hoc solum argumento esse potuisset anni Secularis, quem celebrabamus; dedissetq; ansam præconi opportunam inuitandi more solenni ad spectaculum, *quod nec vidisset quisquam, nec visurus esset*, Anglum inter Conscriptos Patres eminere Cardinalem. Non quin ea natio conchyliatos Proceres anteaactis ætatibus eduxerit quamplurimos, Romanæ Sedis, si alibi vsquam, præclara lumina, & firmissima præsidia, sed quòd splendorem illum fræda postremò labes.

Verùm quò prouchor? extra chorum nescio quo modo saltui derepentè ad refricandum priscum vulnus, quod te nihil attinet, cùm proposuissem vnice delectationem tuam. In gradum igitur redeat oratio. De Vaticano Germani tui triumpho mens erat hac duntaxat locorum intercapedine certior te facere, scriptumquè versu libellum ea super re, qualemcunque nostrum, veteris obseruantie pignus in te meæ, dedicare.

Non deerunt, scio, qui prima statim eius fronte commoti, perfricti oris dicent auctorem, & contra me,

Quid dignum tanto feret hic promissor hiatu,
incòditissimè bellico plusquàm barritu clamitabūt.

Car-

Carmina ut iste sua cum pyramidibus, metis, obeliscis, Aegyptiorum Regum fastus & potentiae gloriosis monumentis, contendere audeat? hisquē deinde *Arundelianis*, hoc est, flori & medullae omnium, per totum orbem quantumvis pretio conquisitis, aequiparare? Apagete cum Thrasone. Bona, verba, quaeso, Catones, nimis indicta causa rigide censorij. Neque enim subibit tantum vobis de nobilissimae gentis magnificentia dicere, ut non ego digitum intendens ad fontes plus multo commonstrem, & praeconijs semper altioribus extollam. Adite mihi primum antiquitatis commentarios Io: Seldeni nostratis, pereruditi scriptoris, quos abs re ipsa *Marmora* vocavit *Arundeliana*: cum notitia vnde loci apposita: nam titulus libri completur hoc modo: *Sive, Saxa Graece incisa, ex venerandis priscae Orientis gloriae rudibus transuecta in Angliam, auspicijs & impensis Thomae &c. Arundelii &c.* tum hoc amplius habetote, Italiam penè cunctam selectissimis signis, ac tabulis cuiuscunque materiae, dummodò elegantis artificij, per emissarios eiusdem, talium rerum curiosi amatoris, peritos homines, orbatam & spoliatam, accessisse in cumulum.

Nacti me sunt prolixum concessorem voluntati suae, magisque addictum amplitudini familiae vestrae; ut clientem tuum, PRAESTANTISSIME HEROS, quam facile putassent, Aristarchi. Num propterea cecidimus causa? nunquidnam confecere, quò minus opera poetarum laminis & metallis pictorum; & fictorum aestimantur perenniora? At istuc promittere carminibus me volunt meis. Causam non dico,

dico, quin insolentissimus habear, homo semilatinus si tantum mihi sumpsi, aut somnians vnquam, arrogauit. Restrictè locutus addidi *Fortassè* cum exceptione, secundum legis formulam in rē ancipiti, nec satis explorata.

Vtinam illud *Exegi* Ouidianum, aut cum Horatio alterum illud

Exegi monumentum ære perennius,
& quod præcipuè controuersiam inter nos facit, atq; vt opinor, dirimit,

Regaliquè situ Pyramidum altius,
præfigere absolutè, meoque quodam iure ostentare fidenter licuisset; nē ego iactantior Anco Rege, rex mihi visus ipse, ansatis vlnis incederem, sublimi argumento *Houvardina* laudis, sic tanquam, Homerus Achilleæ, par vates diuinitus excitatus. Quod potui solum, ampullacea verba, & splendidissima quæque nomina Summi Pontificis, Alterij Purpurati, Houvardorum non vnus, basilicæ Vaticanæ, Quirinalis palatij, Magnæ Britannicæ, ad commendandum nostrum munusculum vsurpauit; ad hæc in propria persona, Musæ meæ (si Deo placet) superbiam commiscui, Oxoniensem, & Cæsaream, eò vt dignior censerer buccinator; illius exemplo pictoris non valdè boni, qui cum Helenam pingens vultum eius deformasset, auro, & gemmis ornauit peplum; vt si non pulchram, certè diuitem obtruderet. Sed iam Myndia porta vellicat aurem, nē sit amplior oppidulo, quod ingredimur. Nolo te, OPTIME MAECENAS atq; HUMANISSIME, futili defensione mei priuatim facti morari diutius, atquè adeò

in

in publica commoda peccare.

Quamobrèm aliam lætitiàm nouam prorsùs, ac inopinatam de Germano iterùm tuo, scilicèt honorem ei pràter consuetudinem ex indulgentiæ pràrogatiua Pontificiæ tributum singularem, tecum, vbi communicauero, deindè de te cùm addidero breuiter aliquid, de mequè ipso ad extremum vnum & alterum verbum subiunxero, faciam finem scribendi. Scias itaquè, sciat vniuersa tecum Britannia (nam ideò longior fui, vt hæc latè diffunderentur propter raritatem) tu de auita domesticaq; gloria vsquè augescente, illa de peregrinò ornameto Aristidis sui, non eum modò in sacrum Collegium vt Senatorem intulissè pedem, verùm etiam præcipuo quodam sanctissimi, illiusquè amantissimi Principis beneficio se totum in Sacram aulam immisissè Palatinum habitatorem. Si ex causa, si ex persona, si ex factò ipso coniectura est ducenda, multa quidem obuersantur animo tantę gratię consecraria; quæ reticere malo, quàm effutire temerè. Quanquàm carminum lemmata insequentium clariùs ista legenti explicabunt.

Nunc ad te sermo festinat meus: cuius de præstantià factorum & dictorum in omni genere satius foret herclè, quod dixit ille de Carthagine, tacere penitus, quàm parùm loqui. Attamen quàm promeritis erga me permagnis tuis, quàm iusto atquè necessario officio & debito in te meo compulsum me sentio, nomen vt aliquo tuum pacto prædicem, & eadem fidelia, vt dicitur, soluam ex parte meum. Nam illa facinoræ maioris notæ, publica & mirabilia

bilia, relinquo annalibus, & patriæ historiæ monumentis ad posteritatis memoriam consignanda: me iuuat intus mihimetipsi canere, rationesquæ eas celebrare tantum, quæ propriè mihi tecum communes intercedunt, patrociniij & clientelæ, multiplicis beneficiij collati, huiusquæ simplicis redditæ gratiæ. Tametsi nondum omnium dierum Sol occidit: melior aliquid, quod sua lux proderet, magis æquale magnanimitati tuæ.

Quid enim? quo me genere præconij, atq; etiam muneris, paucos ante annos à Byzantino reditu hæc in Angliam proficiscens non ornasti, missis insuper de nobis ad Aulam Cæsaream literis, vndè recens veneras, quàm amplissimè scriptis? Cuius ego commendationis haud ità multò post percepi cumulatè fructum. Prætereo honorarium, lautum id planè ac sumptuosum, Musæ nostræ gratulanti reuerfionem tunc tibi saluam, impertitum; quòd quæ agis regisicè, audire nolis, sed prouocari denuò cupis ad agendum. Non potui tamen summis obstrictus beneficijs aut imperare mihi, aut morigerari tibi, quin postmodum eadem chòrda oberrarem, in legatione tua Africana post hominum memoriam luculentissima & maxima, vt extraordinarium honorem tibi à Rege delatum fortunare Deus vellet, tuquæ re feliciter gesta cum inuisa inauditaquæ gloria reuerterere.

At video necopinans, sermonem de me ipso, (quod erat propositum nobis tertium ante clausulam epistolæ) tuis laudibus complièatum incidisse. Omen finis arripio. Ecquid enim restat ampliùs, seor-

seorsum de me magnoperè dicam? Nisi verò nimis longitudinis huius, ac temerariæ adeò interpellationis erit excusatio subtexenda: quam tamen ipsam quis non intelligit erroris veniam auertere, cum extendat causam? Nè plura: summa esto, considerare me maiorem in modum hoc opusculum, sub patrocinio emissum tuo, non tibi tantum, cui offero illud, sed quia tibi, alijs quoque probatum iri, & cum tanti auctoritate nominis longè lateque manaturum. Vale, paludamenti prælustre decus: ac nostra xenia de fratre gloriosè rogato boni consule.

Ab Vrbe, ex Aedibus Iustinianæis, a. d. VIII.

Id. Ianuar. 1676. 1670

EXCELLENTIAE TVAE.

addictissimus servus,

Jacobus Albanus Ghibbeggus,
Romana Academia Orator,
Poët. Laur. Czf.

Stella sex Pontificia gentilem purpurati Principis
 clypeum, veluti cor infixæ mediæ,
 animant & collustrant.

V
I
R
T
U
T
I
S



L
A
V
S
A
C
T
I
O.

SIDERA MERCES.

Hic antiqua vides maiorum Stemmata, *Princeps* :
 Das nova postgenitis *ASTRA* videre tuis.

AD



AD EMINENTISS: ATQVE REVERENDISS:

PRINCIPEM,

FR. PHILIPPVM THOMAM
HOVWARDVM,

DVCIS NORFOLCIAE,

PERPETVI ANGLIAE MARESCALLI,

GERMANVM FRATREM;

☞ Sacro Prædicatorum Ordine S. R. E. Cardi-
nalem creatum,

Anno Inbil. 1675. Mens. May 27.

GRATVLATIO.



MAIVS ab excelsa titulos hand iustis vnquam
Majestate tulit, neq; tanto veris honore
Se iactavit ouans, regalia germina quàm cum
Stirpis *Arundelia* Romano murice tinxit,
Atq; sacrum Patribus lectis adscripsit *Hovardū*.

Nempè bono par mensis erat nec degener anno,
Saturni regnum referens, & Virginis astrum
Sub specie *Alterie* Stellæ. Nam respuit imas

Pacto alio à Superis Astiza reuifere terras,
CLEMENTIS Patris obsequio, & moderamine lata.

Rem miram vnus monstrant hæc tempora seclī
Angligenis, laxare parat quo maximus orbis.
Arbiter, atque idem præses sublimis Olympi,
Scrinia Diuorum, ac cœlestia munera pandit,
Thesauros latè spargens mortalibus ægris;
Te quoque neglectam venisse, *Britannia*, dudum,
Currit ab insigni quàm longum tempus *Alano*.
Præcipuam in partem, rubro dignata galero,
Sperares cūm tale nihil, vel credere posses.
Albion, ipsa facis polluto nomine mirum,
Quàm seiuincta loco, Latij tam distitā sacris.

Attamen vnus homo, prauæ telluris alumnus,
Propositi ille tenax & spectatissimus æqui,
Herōum soboles, ac longo sanguine Princeps,
Grandior at patrio censu virtutis auitæ,
Nec fidei desertor iners, nec transfuga campi
Cognitus, excubias ad propugnacula seruans
Maiorum exemplo pro Religione satelles:
Pro qua mille nece, quacūque pericula vitæ,
Omnes fortunæ vultus, vncosquē, rotasquē,
Pauperiem, & vilem cultum, durosquē labores
Constanti nūquā dubitauit fronte subire:
Hic tibi restituit famam, *Sancle*quē vocamen
Insula Oceano in vasto; veniamquē rogauit
Cœlicolas, rursūm vt fieres *Dos Virginis* alma.
Scitur, Aranidæ quantū miseratus ab alto
Detulerit soli Deus ob pietatis amorem.
Totas sapē vrbes texit iustissimus vnus,
Nec rarō populis renouauit fœderis arcum.

O benē! diuinæ sed quis penetralia mentis
Explicit, æternos aut possit voluere sensus?
O decus arcanæ sortis, memorandaquē fastis
Gloria, virtutem profugi velūt umbra secuta,
Post tergum quæ sedit eques! Nouus aduenā terram
Dūm

Dùm premit ignotam, non mihi lege Senatus
 Pulsus in exilium nupèr, *Norfolcius* heros;
 (Causa tulit: CHRISTVM Romanè fassus abito;
 Contrà qui steterit, capital fecisse putator:)
 Ecce Quirinali, vel sic, occurritur ostro
 Menapios intra fines ad litora Scaldis,
 Ingratà patriæ insus præponere Romam
 Principis imperio, frænât qui Tybridis arces;
 Nostri odio natale solum te quandò repellit,
 Noster eris: Fratres inter numerabere nostros,
 Te maior primo, procerum cùm maximus ires.
 Exilium felix, Capitolj habuisse triumphum:
 Illius invidia reparat sic Roma minutos.
 Ocyus hùc, eia: Ausonium & nunc induc coecum.

Scripserat hæc Genitor: tabulas fert nuncius albas
 Præcipiti cursu, *Bruxella* in sede moranti.
 I, *Fama*, altisonæ notissima filia Cluïs,
 Exere pennarum remos librata per auras,
 Atquè his immensum comple clangoribus orbem
 Antè, suis tantos quàm sentiat author honores,
 Vltimus esto ipse; ignaro gratentur ut omnes;
 Ac plausus pompis veniant Laurentibus apti.

Talibus haud facilem dictis accommodat aurem
 Ille quidem, & fastus odit, quos fugerat olim
 Penè puer, Regum altorum, prognatus ab ipsis:
 Præ cunctis opibus, tecisque illustribus optans
 Veste sub obscura, contractæ in limite cellæ
 Magni sancta sequi *Calaroga iura Magistri*.
 Sed quid agat? Superum frustrà pugnatur amori,
 Addictos si laude volunt cumulare clientes
 Mentem aperit cœli Interpres: parere necesse est.
 Exemplum graue cedendi paulò antè *Grauna*
 Præbuit assultu simili, dùm ferre latebras
 Mallet adoratas pariter, *Guzmannia* pubes;
 Multa diù Inſtatus obſt præcepta parentis.

Ergo agite, egregij Fratres virtute, vel ortu;

No-

Nobile Gemma Ducum; claris incumbite cœptis,
 Atquæ augete genus præstantis lumine vitæ.
 Oebalio niteant Lædæi fidere Diui;
 Oebalio vincî nexu splendete sodales.
 Vos ego, cantando si quicquam nostra Camœna
 Proficiet, venien suæ olim demisit in ævum,
 Alite Mœonio seclî miracula tollam,
 Nullaquæ pôst ætas meritos obducat honores.
 Pars mihi laudis erit, *Clausstrum* vertisse *Theatro*:

EMIN: TVAE.

Romæ, ex Musæo meo,

Cal. Iun. 1675.

Humillimus cliens &c.

Ex libris Stemmatum & Stigmatum, siuè Ima-
 ginum Ghibbesianarum.

ICON DXLVI.

PHILIPPI THOMAE HOVARDI
 DE NORFOLCIA, S. R. E. CARD. ANGLI,

*Iam indè à seculo nunc primùm ex ea
 gente creati.*

Phœnix conspicitur Britannus iste:
 Num rara Avis expetebat ævum.

Ad

QVAM MARMORA: 15

Ad Eminentiss: ac Reuerendiss: Principem,
PALVTIVM CARD. ALTERIVM,
CLEMENTIS X. Pont. Max. Nepotem
amplissimum.

*Cui carmen gratulationis antecedens offert, & pro
illius in tanta re nauaso studio gratias agit.*

HENDECASYLLABI.

ALTERI, accipe luculente partem,
Summum Romulei iubar Senatus,
O & Ghibbesij decus clientis,
Nostri carminis: optimoque iure
Laudes nosce tuas, datas *Horardo*.

Sancto illum Patro probans merentem
Virtutis titulo, ac nitore gentis,
Digna Pontificem nota mouebas,
Sic *Ostro* vt decoraret *Ostracisnum*.

Ex Imaginibus Ghibbesianis.

ICON CCCCLXXVI.

PALVTII CARD. ALTERII.

S. D. N. Nepotis,

In familiam, & in cura patriam adoptati.

QVz mentem dotes ornent, hinc collige; nomen
Ferre suum CLEMENS, & dedit orbis onus.

CAR-

CARD: HOVVARDO DE NORFOLCIA,

Romam aduenæ, portamquæ Urbis Flaminiam intro-
eunti, mense Decembri, sub dies Natalitios
SS. Seruatoris.

EPIGRAMMA.

E Sto Quiris avibus dextris, felicibus astris
 Ad iuga perductus Tybridis alta, Pater.
 Iamquæ sacro coram sistaris Præfide Romæ,
 Purpureo qui te cinxit honore procil.
 O quibus admittet Senior pia ad oscula signis,
 Indicio firmans facta priora nouo!
 Cùm bona virtutis præsentis ista vibebit,
 Ac tanta iunctum religione decus.
 In te cùm releget prisca compendia gentis,
 Concha velut salsas quæ fuit inter aquas.
 Et candoris amans, cæno iurata Britanno
 Quàm scèdari vnquam, terquæ quaterquæ mori.
 Quanquàm diues opum, quanquàm alti sanguinis illa,
 Hæc super, intactam credidit ire fidem.
 Cuius eras testis, quândo sententia menti
 Exilio patriam posthabuisse stetit.
 At stultus quid ago? de Tristibus aggero librum,
 Cùm *Metamorphosis* latius instat opus.

NOVI CARDINALIS, AC REGINALDI POLI

collatio, Angli utriusq; ex clarissimis familijs.

AUGVRIVM.

Quan-

Quantum fert patris *Reginaldi* purpura lumen ;
Tantum, plusquē dabis, non minor ipse *Polo*.

BEATISSIMO PATRI CLEMENTI X.
PONT. OPT. MAX.

Portam Sanctam Iubilæi, siuē Anni secularis
claudenti .

BONVM FACTVM: recognosci dignum ac præ-
dicari *Ad multos Annos* :

*Propter Cardinalem Anglum eodem anno nunc pri-
mum iam inde à seculo renunciatum præcipue
gratulans vaticinatur .*

PHALEVCIVM.

SActo tempore seculi nouati ,
(Quod felix tibi vertat , atq; nobis)
Diuino geminæ vigore clauis
Thesauros Superum benignus orbi
O *Sanctissime* , iusseras recludi ;
Cœlestemquē adeo patere portam
Bis sex non nisi mensibus premendam .
Hoc inter spatium fluentis anni ,
Rem , quæ nobilitarit vna seculum ,
Vltra secla tuam feretq; laudem ,
Gentes prospiciens ab arce Romæ
Perclemens dominus , vigilquē custos,
Extremis hominum facis Britannis .
Non visum solido renasci ab æuo
Phœnicem Angligenæ stupemus omnes ,

Applaudunt alij : colore rubro
 Dùm splendere sacrum iubes *Horardum* ,
 Ac patrem Latij creas Senatus .
 Vates auguror hoc canoque facto :
 Hic noto *Pater* vt *Beate* cludas ,
 Secſto Portam aperis in orbe Sanctam .

E I D E M

SANCTISSIMO DOMINO NOSTRO ,

*Sub fanſtis vertentis anni aſpicijſ Sedem & Annos
 interminati temporis apprecatur .*

E P I G R A M M A .

Pontifici, *Petri non annos* , SANCTE , *videbis* ,
Roma canit : videat Roma nec alma tuos .

Ex Lib. Imaginum .

I C O N CCCCLXX .

C L E M E N T I S D E C I M I
 P O N T . M A X .

*Omniſſus ſuffragijs Sacri Senatus ad mundi imperium,
 cùm octogenario maior eſſet , euecti .*

DEpontanum aliàs dat ſexageſimũ annus ;
 Octoginta anni regna dedere tibi .

Car-

*Cardinalem de suo Ordine canobium excepit S. Maria
supra Minervam urbis hospitem, mox Palatium
optimi Pontificis vocatu ascinit inquilinum.*

EPIGRAMMA.

F Inibus ē patrijs eiecit tristis Erinny's ;
Te gremio Romæ læta Minerva caput .
Inde Palatinus tecta ad sua traxit Apollo ,
Dilectum Sancto composuitque Patri .
Non ideo vt lædant, mittuntur fulmina semper :
Quondam etiam vomica venit ab euse salus .

*Habitatio Sacri Palatij cessit Purpurato nostro in par-
tem, unde tres deinceps Cardinales prodire
novissimi Pontifices .*

EPIGRAMMA.

S Illius indormit tumulto pro mente Maronis ;
Certius afflasset, credo, cubile virum .
Pontificum pars hæc aulæ solet esse creatrix :
Tu colis : insedit spiritus ille loco .

*Odx sequentes duæ duobus Fratribus Eminentis-
simi Purpurati nostri scriptæ pridem fuere, cum
vterque Romam deinceps inuiseret : alter quidem,
scilicet Henricus, an. 1666. alter autem quadrien-
nio antè, 1662.*

HENRICO HOVARDO,
MAGNO ANGLIAE MARESCALLO &c.

*Cum Byzantio à Lesleiana legatione Romam redire
per Hispaniam tenderet in Britanniam.*

O D E.

Byzantina sacris mœnia turribus
Vrbis Romuleæ, credere certior,
Mutasti; bona postquam
Lime fœdera videras
Consentire Aquilis, prædibus Imperj.
Huius pacis eras tu quoque pars grauis,
Lesleo celet ire

Extrema comes Anglia:
Auctori minimum diffidet integro
Spectandus socius. Quem cuperet prius
Prudens Cæsaris Hermes
Horvardo sibi Theseo?
At non è medijs ille penatibus;
Primus venit apex: cui gerit vnice
Arundelia morem,

Quo Norfolcia ducitur.
Vrbs nunc sancta alacri te capit hospitem
Vultu, flere nouis prona recessibus,
Mox tendes vbi claræ
Aulam visere Iberiæ.
Merces digna viæ pax erit altera,
Legati nequeunt quam duo iungere
Reges inter acerbos,
Decreto facilis tuo.

Tandem laurigeris fœtus honoribus

Intrabis cupida linina patriæ,

O HENRICE, triumphans,

Vt Consul Capitolium.

Ex Imaginibus nostris.

ICON DLXXXIII.

HENRICI HOVWARDI &c.

*Cum ceteris in rebus nobilissimi Principis ac libera-
lissimi, tum in eo præcipue, quod Societati Regiæ do-
mum Arundelianam ad hebdomadarios congressus
commodavit, eidemque bibliothecam insuper op-
timis libris refertam addiderit, Anglici
vel Musagetæ, vel Evergetæ
dicendi.*

Q Vi Musis ædes Regalibus, æquaquæ donat
Munera; Alexandri cor animumque gerit.

AD BERNARDVM HOVWARDVM,

Principem iuuentutis, Ducis Norfolciæ fratrem.

*Celebrat ab Vrbe discedentem Aprili mense. Quan-
tus honos ei habitus Romæ ac Neapoli narratur.*

O D E.

Er-

Ergò abitum clare nequeunt spectacula Romæ,
 Longo videnda seculo,
 Nec Cumæus ager, cedant cui Thessala Tempe,
 Primusquæ flos Neapolis
 Ad paucos proferre dies? dedit Anglia calcar?
 I, quando amicorum preces
 Non retinent) i, vere nouo, Zephyrisquæ benignis
 Dulcem reuise patriam.
 Te cupit illa magis. Iuuenis sic vellus Iâson
 Optatus aureum tulit:
 Sic Ithacæ populus varium miratus Vlyssèm est,
 Gaudebit vt Britannia,
 Illustri morum censu dirata tuorum,
 Ac mille maior artibus.
 Est aliquid meritis niti fulgentis alumni,
 Ceû se efferebat Ilion
 Hectorea virtute potens, vel Apolline Delos.
 Quas grata persoluet vices
 Pro decore accepto, pro tanto nomine fuso,
 Quot intulisti gentibus,
 Tecum errans, tecum fama sublimis eodem!
 Quis ille? si quæsiuerit
 Italus, aut Belga, aut Gallus, vel Dalmata, vel Thrax;
 Quis ille mirè splendidus;
 Ille hospes, forma insignis, viridiquæ iuuenta,
 Cumcûis refertus Gratijs?
 Magnus *Arundelia* sanguis dicere *Britannus*;
 Hæc iure non superbiat?
 Qualem vidi equidem nupèr: stupere Quirites
 Præter notari cunzium
 Voce manuquæ simul; Romanus cùm Pater alto
 Tractauit admissum modo.
 Indè alij socium procures curruquæ, domoquæ,
 Mensaquæ iunxerunt sibi.
Carolus ante omnes, sacri pars lecta Senatus,
 Ingentis *Urbani* nepos,

Per-

QVAM MARMORA.

23

Perpetuò affixit studijs æqualis & annis,
 Multo granatum munere.
 Talibus exemplis quid non excita laborat
 Monstrare formosum tibi
 Parthenope cum rege suo? Sirenes amœnis
 Fecere plausum cantibus.
 Nec minùs ad Thamesin notis celebrabere cœnis,
 Qui fratris ædes prænant.

Alteri Norfolkicæ spei, inclyto Adolescenti,

THOMAE HOVVARD,

Eminentissimi Cardinalis fratris Mareſcalli Filio ſecundo.

*Patruſ cum Purpurati comitem in Italiam Aſcanio
 Aeneæ, re ſimili, confert, ac deniquè præfert.*

EPIGRAMMA.

VT pater Aeneas, & auunculus Hector Itûlum
 Bellicus hic factis excitat, ille pius;
 Par decus Heroûm tibi ſanguinis obtulit ordo:
 Inferius genitor nil patrûſquæ monent.
 Venit in Italiam iuuenis ſic cultus uterque:
 Italia palmam iudice laudis habes.
 Troiugenæ Alba dedit, dat plauſum Roma Britanno:
 Angle præis, quantum cernitur Alba minor.

AD

CARMINA PLVS
AD MAGNAM BRITANNIAM,

Purpurati Patris natale solum.

EPIGRAMMA.

Milisti tantam, longinqua *Britannia*, gemmam;
Trans mare mercator sic adamanta petit.
Crescis iò fama, gens vt tua creuit honore:
Nescio quid magna nunc mihi maius habes.

AD VRBEM ROMAM,

Virtutis omnis premium, ac triumphum.

EPIGRAMMA.

TE quoque concelebrem, caput huius metaque laudis,
Roma; vt eris nostri meta caputque libri.
Nobilitatis apex fulget rerum optima Virtus;
Maxima virtuti, *Roma*, theatra facis.

F I N I S.

